

全
華
叢
書



金華叢書



大事記通釋卷一

宋呂祖謙撰

郡後學胡鳳丹月樵校梓

易大傳古者包犧氏之王天下也仰則觀象于天俯則觀法于地觀鳥獸之文與地之宜近取諸身遠取諸物於是始作八卦以通神明之德以類萬物之情作結繩而爲網罟以佃以漁蓋取諸離包犧氏沒神農氏作斲木爲耜揉木爲耒耨之利以教天下蓋取諸益日中爲市致天下之民聚天下之貨交易而退各得其所蓋取諸噬嗑神農氏沒黃帝堯舜氏作

適其變使民不倦神而化之使民宜之易窮則變變則通通則久是以自天祐之吉无不利黃帝堯舜垂衣裳而天下治蓋取諸乾坤剡木爲舟剡木爲楫舟楫之利以濟不通致遠以利天下蓋取諸渙服牛乘馬引重致遠以利天下蓋取諸隨重門擊柝以待暴客蓋取諸豫斷木爲杵掘地爲臼臼杵之利萬民以濟蓋取諸小過弦木爲弧剡木爲矢弧矢之利以威天下蓋取諸睽上古穴居而野處後世聖人易之以宮室上棟下宇以待風雨蓋取諸大壯古之葬者厚

衣之以薪葬之中野不封不樹喪期無數後世聖人
易之以棺槨蓋取諸大過上古結繩而治後世聖人
易之以書契百官以治萬民以察蓋取諸夬○易之
興也其於中古乎作易者其有憂患乎是故履德之
基也謙德之柄也復德之本也恆德之固也損德之
修也益德之裕也困德之辨也井德之地也巽德之
制也履和而至謙尊而光復小而辨於物恆雜而不
厭損先難而後易益長裕而不設困窮而通井居其
所而遷巽稱而隱履以和行謙以制禮復以自知恆

以一德損以遠害益以興利困以寡怨井以辨義巽以行權○易之興也其當殷之末世周之盛德邪當文王與紂之事邪是故其辭危危者使平易者使傾其道甚大百物不廢懼以終始其要无咎此之謂易之道也

書序昔在帝堯聰明文思光宅天下將遜于位讓于虞舜作堯典虞舜側微堯聞之聰明將使嗣位歷試諸難作舜典帝釐下土方設居方別生分類作汨作九共九篇橐籥皐陶矢厥謨禹成厥功帝舜申之作

大禹臯陶謨益稷○禹別九州隨山濬川任土作貢
啟與有扈戰于甘之野作甘誓太康失邦昆弟五人
須于洛汭作五子之歌義和漣淫廢時亂曰脩往征
之作脩征○自契至于成湯八遷湯始居亳從先王
居作帝告釐沃湯征諸侯葛伯不祀湯始征之作湯
征伊尹去亳適夏旣醜有夏復歸于亳人自北門乃
遇汝鳩汝方作汝鳩汝方伊尹相湯伐桀升自陬遂
與桀戰于鳴條之野作湯誓湯旣勝夏欲遷其社不
可作夏社疑至臣扈夏師敗績湯遂從之遂伐三股

俘厥寶玉誼伯仲伯作典寶湯歸自夏至于大坰仲
虺作誥湯既黜夏命復歸于亳作湯誥咎單作明居
成湯既沒太甲元年伊尹作尹訓肆命徂后太甲既
立不明伊尹放諸桐三年復歸于亳思庸伊尹作太
甲三篇伊尹作咸有一德沃丁既葬伊尹于亳咎單
遂訓伊尹事作沃丁伊陟相太戊亳有祥桑穀共生
于朝伊陟贊于巫咸作咸乂四篇太戊贊于伊陟作
伊陟原命仲丁遷于囂作仲丁河亶甲居相作河亶
甲祖乙圮于耿作祖乙盤庚五遷將治亳殷民咎胥

怨作盤庚三篇高宗夢得說使百工營求諸野得諸
傅巖作說命三篇高宗祭成湯有飛雉升鼎耳而雊
祖己訓諸王作高宗彤日高宗之訓殷始咎周周人
乘黎祖伊恐奔告于受作西伯戡黎殷既錯天命微
子作誥父師少師

惟十有一年武王伐殷一月戊午師渡孟津作泰誓
三篇武王戎車三百兩虎賁三百人與受戰于牧野
作牧誓武王伐殷往伐歸獸識其政事作武成武王
勝殷殺受立武庚以箕子歸作洪範武王既勝殷邦

諸侯班宗彝作分器西旅獻獒太保作旅獒巢伯來
朝芮伯作旅巢命武王有疾周公作金縢武王崩三
監及淮夷叛周公相成王將黜殷作大誥成王既黜
殷命殺武庚命微子啓代殷後作微子之命唐叔得
禾異畝同穎獻諸天子王命唐叔歸周公于東作歸
禾周公既得命禾旅天子之命作嘉禾成王既伐管
叔蔡叔以殷餘民封康叔作康誥酒誥梓材成王在
豐欲宅洛邑使召公先相宅作召誥召公既相宅周
公往營成周使來告卜作洛誥成周既成遷殷頑民

周公以王命誥作多士周公作無逸召公爲保周公
爲師相成王爲左右召公不說周公作君奭蔡叔既
沒王命蔡仲踐諸侯位作蔡仲之命成王東伐淮夷
遂踐奄作成王政成王既踐奄將遷其君于蒲姑周
公告召公作將蒲姑成王歸自奄在宗周誥庶邦作
多方周公作立政成王既黜殷命滅淮夷還歸在豐
作亳官成王既伐東夷肅慎來賀王俾榮伯作賄肅
慎之命周公在豐將沒欲葬成周公薨成王葬于畢
告周公作周姑周公既沒命君陳分正東郊成周作

君陳成王將崩命召公畢公率諸侯相康王作顧命
康王既尸天子遂誥諸侯作康王之誥康王命作冊
畢分居里成周郊作畢命穆公命君牙爲周大司徒
作君牙穆王命伯冏爲太僕正作冏命呂命穆王訓
夏贖刑作呂刑平王錫晉文侯秬鬯圭瓚作文侯之
命魯侯伯禽宅曲阜徐夷並興東郊不開作費誓秦
穆公伐鄭晉襄公帥師敗諸嵒還歸作秦誓

詩序關雎后妃之德也葛覃后妃之本也卷耳后妃
之志也樛木后妃逮下也螽斯后妃子孫眾多也桃

天后妃之所致也。兔耳后妃之化也。芣苢后妃之美也。漢廣德廣所及也。汝墳道化行也。麟之趾關雎之應也。○鵲巢夫人之德也。采蘋夫人不失職也。草蟲大夫妻能以禮自防也。采蘋大夫妻能循法度也。甘棠美召伯也行露召伯聽訟也。羔羊鵲巢之功致也。殷其雷勸以義也。標有梅男女及時也。小星惠及下也。江有汜姜媵也。野有死麕惡無禮也。何彼穠矣美女姬也。騶虞鵲巢之應也。○柏舟言仁而不遇也。綠衣衛莊姜傷己也。燕燕衛莊姜送歸妾也。日月衛莊

姜傷己也終風衛莊姜傷己也擊鼓怨州吁也凱風
美孝子也雄雉刺衛宣公也匏有苦葉刺衛宣公也
谷風刺夫婦失道也式微黎侯寓于衛其臣勸以歸
也旄邱責衛伯也簡兮刺不用賢也泉水衛女思歸
也北門刺仕不得志也北風刺虐也靜女刺時也新
臺刺衛宣公也二子乘舟思伋壽也○柏舟其姜自
誓也牆有茨衛人刺其上也君子偕老刺衛夫人也
桑中刺奔也鶉之奔奔刺衛宣姜也定之方中美衛
文公也蟋蟀止奢也相鼠刺無禮也干旄美好善也

載馳許穆夫人作也○淇澳美武公之德也考槃刺
莊公也碩人閔莊姜也氓刺時也竹竿衛女思歸也
芄蘭刺惠公也河廣宋襄公母歸于衛思而不止故
作是詩也伯兮刺時也有狐刺時也木瓜美齊桓公
也○黍離閔周宗也君子于役刺平王也君子陽陽
閔周也揚之水刺平王也中谷有蓷閔周也兔爰閔
周也葛藟王族刺平王也采葛懼讒也大車刺周大
夫也邱中有麻思賢也○緇衣美武公也將仲子刺
莊公也叔于田刺莊公也大叔于田刺莊公也清人

刺文公也羔裘刺朝也遵大路思君子也女曰鷄鳴
刺不說德也有女同車刺忽也山有扶蘇刺忽也狡
兮刺忽也狡童刺忽也褰裳思見正也丰刺亂也東
門之墀刺亂也風雨思君子也子衿刺學校廢也揚
之水閔無臣也出其東門閔亂也野有蔓草思遇時
也溱洧刺亂也○鷄鳴思賢妃也還刺荒也著刺時
也東方之日刺衰也東方未明刺無節也南山刺襄
公也甫田大夫刺襄公也盧令刺荒也敝笱刺文姜
也載馳齊人刺襄公也猗嗟刺魯莊公也○葛履刺

福也汾沮刺儉也園有桃刺時也陟岵孝子行役
思念父母也十畝之間刺時也伐檀刺貪也碩鼠刺
重歛也○蟋蟀刺晉僖公也山有樞刺晉昭公也揚
之水刺晉昭公也椒聊刺晉昭公也綢繆刺晉亂也
杖杜刺時也羔裘刺時也鴉羽刺時也無衣美晉武
公也有杕之杜刺晉武公也葛生刺晉獻公也采芾
刺晉獻公也○車鄰美秦仲也駟鐵美襄公也小戎
美襄公也蒹葭刺襄公也終南戒襄公也黃鳥哀三
良也晨風刺康公也無衣刺用兵也渭陽康公念母